



Claudii Fleurii Abbatis Historia Ecclesiastica

Ad annum Christi 1563

Fleury, Claude

August. Vind. [u.a.], 1771

VD18 90118618

§. 19. De Cardinalium creatione, & electione Episcoporum.

[urn:nbn:de:hbz:466:1-66653](https://nbn-resolving.de/urn:nbn:de:hbz:466:1-66653)

Sæcul. XVI., „riis animorum affectionibus dissensio,
A.C. 1568. „ac mora crearentur: de cetero, cum
 „a Pontifice derivetur in Patres refor-
 „mandi potestas, æquum non est, ut ipsi
 „postea velint ex sua ipsorum auctori-
 „tate in disputationem adducere ea,
 „quæ per summam curam, ac maturi-
 „tatem ab eodem Pontifice statuta
 „fuerant. „

§. XIX.

De Cardinalium creatione, & electione Episcoporum.

Pallav. n. 10. **C. II.** Tum ad Cardinalium electionem pro-
 cedebant mandata, in quibus Pon-
 tifex hæc exposuit: „Fieri nequit, ut
 „eorum numerus restringatur, quem-
 „admodum Cæsaris epistola proponit:
 „et enim cum illorum dignitati perpe-
 „tuitas debeatur, nec par sit, Pontifi-
 „cem obstringi, ut iis tantummodo con-
 „siliariis, ac Ministris uteretur, qui
 „sub ejus Prædecessore rerum summam
 „moderabantur, hinc eidem fas esse
 „videtur novos creare: præterquam
 „quod ad id etiam saepe Papa compel-
 „latur & Principum deprecationibus,
 „& Præsulum meritis: Ceterum in a-
 „nimo nunc Pontifex non habet, a-
 „lios ad eum ordinem assumere: si ta-
 „men hoc ageret, ipse, quos oporteret,
 „seligeret, & præsto esset ad conficien-
 „tum,

„dum diploma de conditionibus huic dignitati necessariis.,, Huic articulo nil opponebatur, post eum vero propositum de Episcopis eligendis sermo erat in hoc scripto, ubi rogabatur Cæsar, ut eandem ipse rationem de iis haberet, qui ad ipsius nominationem promoverentur. Hanc in rem Cæsar prolixam dissertationem exhibuit, recensitis conditionibus, quibus ex hominum prudatum ac Religiosorum sententia opus haberet is, qui sacras Insulas fusciperet; denique Imperator differebat de nimia licentia, quæ in Clericorum collegia irrepserat ex eo, quod eorum complures Episcoporum potestati subtrahentur. His Legatus reposuit, ea omnia in Synodo expensum iri, jamque ab eadem in suis decretis de reformatione prospectum esse.

§. XX.

Articulus de residentia propositus.

Postea summus Pontifex circa articulum de residentia subjungi præcepit, quod hæc quæstio, si residentia juris divini foret, haud inutilis credetur, ac maluisset Pontifex, ut nunquam hæc controversia fuisset excitata, dum tamen ea jamjam agitari cæpta est, æqui, bonique se consulturum promittebat Papa, ut residentia declararetur ne-

P 3 cessaria

Sæcul. XVI.
A.C. 1563.